



Broj: 18.1.2-02.4-183-7/2019
Sarajevo, 22.02.2019. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik Bosne i Hercegovine“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik Bosne i Hercegovine", broj 94/14), Služba za poslove sa strancima, p o d n o s i

IZVJEŠTAJ O RADU SLUŽBE ZA POSLOVE SA STRANCIMA ZA 2018. GODINU

I – UVOD

Služba za poslove sa strancima (u daljem tekstu: Služba) je tokom 2018. godine u okviru svojih nadležnosti preduzimala sve potrebne mjere i radnje u cilju efikasnijeg upravljanja migracijama, a samim tim i stvaranja bolje ukupne sigurnosne situacije u Bosni i Hercegovini.

✓ *Preduzete aktivnosti kod ovjera pozivnih pisama i davanja saglasnosti za izdavanje viza tip „D“*

U ovom izvještajnom periodu u procedurama rješavanja po zahtjevima za ovjeru pozivnih pisama na osnovu kojih su stranci pribavljaju vize za ulazak i boravak stranih državljana u Bosni i Hercegovini, ukupno su **ovjerena 4.672 pozivna pisma**. U istom izvještajnom periodu Služba je preduzimajući preventivne aktivnosti zbog uočenih pokušaja neregularnih migracija i u cilju davanja doprinosa zaštiti sigurnosnog sistema **odbila 70 zahtjeva za ovjeru pozivnog pisma za strane državljane koji dolaze iz migraciono visoko rizičnih zemalja**.

Zakonom je predviđeno da Služba po zahtjevu Ministarstva inostranih poslova Bosne i Hercegovine daje prethodnu saglasnost za izdavanje viza za dugoročni boravak - viza tipa „D“ na osnovu koje stranci mogu podnijeti zahtjev za odobrenje privremenog boravka u Bosni i Hercegovini. Nadograđena je i pospješana postojeća procedura kod izdavanja viza tipa „D“ – dugoročnih viza za boravak u zemlji, kao veoma važnog Shengenskog pravila, na način da u propisanom roku i uz sve izvršene potrebne provjere izdajemo saglasnost za izdavanje viza “D”, isključivo na osnovu kojih

stranci nakon ulaska u zemlju mogu aplicirati za dugoročni boravak. Služba je u ovom periodu postupajući po zahtjevima Ministarstva inostranih poslova Bosne i Hercegovine za davanje saglasnosti u postupku izdavanja *vize tipa „D“, u 830 slučajeva dala saglasnost za izdavanje vize tipa „D“*. Također, tokom 2018. godine od strane Službe za poslove sa strancima uočene su odgovarajuće nepravilnosti, te zbog neispunjavanja uslova nije data saglasnost za *izdavanje 4 vize tipa „D“*.

Služba je postupajući po zahtjevima Diplomatsko konzularnih predstavništava Bosne i Hercegovine i Granične policije BiH (viza na granici) u postupcima izdavanja vize izvršila provjere u bazi bazi „ROS“-a i drugim raspoloživim bazama podataka za *32.512 lica*. U određenim slučajevima Služba za poslove sa strancima je izrazila sumnju da bi se moglo raditi o neregularnim migracijama, zbog čega su od strane inspektora za strance vršene dodatne operativne provjere na terenu sa ciljem utvrđivanja osnovanosti podnesenih zahtjeva. U vezi sa naprijed navedenim od strane Službe za poslove sa strancima su tokom ovog izvještajnog perioda izvršene provjere za *344 lica*. Prilikom vršenja naprijed navedenih provjera na terenu od strane inspektora za strance u više slučajeva je utvrđeno da strani državljani nemaju rezervisan smještaj, odnosno uplaćen smještaj ili turističko putovanje koje je u skladu sa Zakonskim uslovima za izdavanje vize. O svim utvrđenim činjenicama i prikupljenim saznanjima pravovremeno su upoznata Diplomatsko konzularna predstavništva Bosne i Hercegovine, kako bi isti mogli raspolagati svim činjenicama u momentu donošenja odluke, što je rezultiralo određenim brojem odbijenih zahtjeva za izdavanje viza. *Ovakvim pristupom u vršenju svih neophodnih provjera prije izdavanja vize, od strane Službe utvrđene su nepravilnosti za 115 lica kojima nisu izdate vize*. U cilju efikasnijeg upravljanja migracijama kao i zaštite sigurnosnog sistema Bosne i Hercegovine, Služba je o svim utvrđenim činjenicama i prikupljenim saznanjima o pokušajima zloupotrebe putovanja kontinuirano informisala Ministarstvo vanjskih poslova Bosne i Hercegovine radi blagovremenog upoznavanja Diplomatsko konzularnih predstavništava Bosne i Hercegovine i preduzimanja mjera na sprečavanju ilegalnih migracija.

Pored provjera kroz bazu Registar određenih stranaca (u daljem tekstu: „ROS“), prilikom rješavanja po zahtjevu stranaka za odobrenje boravka u Bosni i Hercegovini, ovjere pozivnih pisama kao i ostalih postupaka koje provodi Služba, za lica koja dolaze iz zemalja sa visokim stepenom ilegalnih migracija, za lica kojima je od strane Državne komisije za reviziju odluka o naturalizaciji stranih državljana u Bosni i Hercegovini oduzeto državljanstvo Bosne i Hercegovine kao i sva druga lica prema procjeni, Služba u skladu sa članom 8. stav 4. Zakona o strancima vrši sigurnosnu provjeru za stranca, u svrhu utvrđivanja razloga sigurnosti Bosne i Hercegovine, koju provodi Obavještajno - sigurnosna agencija Bosne i Hercegovine.

Služba je po zahtjevima Diplomatsko konzularnih predstavništava Bosne i Hercegovine i terenskih centara, od *Obavještajno sigurnosne agencije Bosne i Hercegovine i drugih sigurnosnih agencija zatražila 2.654 sigurnosne provjere za 3.996 stranih državljana* u postupcima ovjere pozivnih pisama, izdavanja viza, te odobrenja/produženja privremenog i odobrenja stalnog boravka, sve s ciljem davanja doprinosa zaštiti ukupnog sigurnosnog sistema Bosne i Hercegovine, kao i borbi protiv terorizma i svih vidova neregularnih migracija.

✓ *Boravak stranaca*

Rješavajući po zahtjevima za odobrenje - produženje privremenog boravka u ovom izvještajnom periodu privremeni boravak je **odobren u 4.139 slučajeva** i **produžen u 6.617 slučajeva**, što ukupno iznosi **10.756** odobrenih - produženih privremenih boravaka. U periodu od 01.01 do 31.12.2018. godine ukupno je obrađeno **876** zahtjeva za odobrenje stalnog boravka (*u navedenom broju uračunati su zahtjevi za odobrenje stalnog boravka, kao i izmjene rješenja već odobrenog stalnog boravka*), od čega je u **815** slučajeva isti odobren, dok je **10** zahtjeva odbijeno.

✓ *Potvrde o izraženoj namjeri za azil*

U periodu od 01.01. do 31.12.2018. godine **22.499 lica** je iskazalo namjeru za azil. Služba je u postupcima izražavanja namjere za azil u terenskim i privremenim prihvatnim centrima vršila registraciju ovih lica, kojom prilikom su od istih uzimani biometrijski podaci, fotografisani su, a nakon navedenog inspektori za strance su u razgovoru sa istima prikupljali operativne podatke, koji su razmjenjivani za ostalim agencijama za sprovedbu zakona u BiH.

✓ *Inspeksijske kontrole inspektora za strance*

Inspektori za strance su vršili inspeksijske kontrole boravka stranaca u fizičkim i pravnim licima koje pružaju usluge smještaja, turističkim agencijama, obrazovnim institucijama, preduzećima i institucijama u kojima rade stranci po osnovu izdate radne dozvole, preduzećima u kojima su osnivači strani državljani, kontrole adresa stanovanja i promjene adrese stanovanja. Tokom 2018. godine **izvršeno je ukupno 5.997 kontrola i izdato je 1.550 prekršajnih naloga**.

✓ *Operativne provjere u cilju utvrđivanja činjenica o ispunjavanju uslova za ovjeru pozivnih pisama i odobrenje/produženje privremenog i odobrenja stalnog boravka*

Služba je prepoznala i kao važan segment uvela preventivno vršenje operativnih provjera na terenu s ciljem utvrđivanja činjeničnog stanja postojanja osnovanosti podnesenih zahtjeva za ovjeru pozivnih pisama, odobrenje/produženje privremenog boravka, odobrenja stalnog boravka, kontrola već odobrenih boravaka i drugo kao vrlo važan segment u suprotstavljanju neregularnim migracijama, posebno kada govorimo o pokušaju određenih zloupotreba u smislu zasnivanja bračne ili vanbračne zajednice sa državljanima Bosne i Hercegovine iz interesa radi ostvarivanja prava na boravak, zatim i prijema u državljanstvo Bosne i Hercegovine, a takođe i otkrivanja pokušaja regulisanja boravka po osnovu radne dozvole u fiktivnim firmama itd. U ovom izvještajnom periodu inspektori za strance su izvršili ukupno **15.415 operativnih provjera** i tom prilikom su u određenim predmetima utvrđene činjenice da se radi o pokušaju neregularnih migracija u **247** slučajeva.

✓ *Inspekcijske kontrole stranaca sa odobrenim boravkom*

Kao rezultat taktičke procjene terenskih centara o mogućim neregularnostima i zloupotrebama već odobrenih privremenih i stalnih boravaka, vršene su ponovne nenajavljene kontrole inspektora za strance, posebno privremenih boravaka po osnovu braka sa državljanima Bosne i Hercegovine i obrazovanja, kao i stalnih boravaka koje su do sada dale značajne rezultate. Naime, tokom ovog izvještajnog perioda od strane inspektora za strance izvršene su **1.293** ciljane inspekcijske kontrole stranaca sa odobrenim boravkom, prilikom čega je utvrđeno **185 nepravilnosti**.

Bitno je napomenuti da Služba svakodnevno vrši prikupljanje i analizu operativnih saznanja prikupljenih od strane inspektora za strance i iz drugih izvora, putem razmjene informacija s odgovarajućim sigurnosnim organima gdje se na osnovu tako prikupljenih informacija i operativnih saznanja uz odobrenje direktora Službe sačinjavaju Operativni planovi za sprovođenje operativnih akcija. Tokom 2018. godine izvršene su **23 operativne akcije** u kojima su učestvovali službenici Službe i to:

- a) Operativna akcija „**ILEGALAC**“ u cilju preduzimanja pojačanih mjera i radnji iz nadležnosti Službe, zbog novonastale situacije u BiH i regionu po pitanju povećanog dolaska migranata, te mogućih refleksija i sigurnosnih posljedica na BiH
- b) Koordinirana zajednička operativna akcija „**ALBATROS**“, sa drugim sigurnosnim i policijskim agencijama u BiH u vezi krijumčarenja i trgovine ljudima na državnom i međunarodnom nivou.
- c) Koordinirana zajednička operativna akcija „**ISTOK**“ sa Graničnom policijom BiH i Državnom agencijom za istrage i zaštitu (SIPA) u vezi krijumčarenja i trgovine ljudima na državnom i međunarodnom nivou.
- d) Koordinirana zajednička međunarodna operativna akcija „**JAD 2018 WESTERN BALKANS**“, sa drugim sigurnosnim i policijskim agencijama u organizaciji EUROPOL-a, koja predstavlja nastavak aktivnosti u borbi protiv ilegalne trgovine oružjem, kao i drugih krivičnih djela
- e) Operativna akcija „**VOLONTER**“ u cilju vršenja kontrole kretanja i boravka stranih državljana koji se predstavljaju kao volonteri i koji borave na područjima gdje su smješteni migranti.
- f) Operativna akcija u cilju vršenja inspekcijskih kontrola **86 objekata na području Bihaća i Velike Kladuše**, koji su prethodnom periodu od strane inspektora za strance identifikovani kao objekti u kojima boravi znatan broj ilegalnih migranata.
- g) **Pet Operativnih akcija** planiranih u cilju provedbe aktivnosti pronalaska **5 lica koja su proglašena prijetnjom nacionalnoj sigurnosti Bosne i Hercegovine**, izricanja mjere protjerivanja, stavljanja pod nadzor, te udaljenja istih iz Bosne i Hercegovine.

- h) Koordinirana zajednička operativna akcija „**KONTROLISANJE**“ sa MUP-om USK u cilju pregleda smještajnog prostora na lokaciji nedovršenog objekta „Đački dom – Borići“ i kontrole boravišnog statusa migranata na ovom području.
- i) Tri operativne akcije „**PREMJETAJ**“ u saradnji sa policijskim agencijama u BiH kojim je izvršeno ;
- ✓ premještanje migranata sa područja Opštine Stari Grad na lokalitet Salakovca u objekte koji su u nadležnosti Ministarstva za ljudska prava i izbjeglice;
 - ✓ premještanje migranata iz Doma penzionera u Bihaću u Đački dom;
 - ✓ premještanje velikog broja migranata sa područja Bihaća do Azilantskog centra Delijaš na području Trnova;
- a) Doprinos Službe sigurnosnom aspektu zbog održavanja javnog skupa povodom obilježavanja 23. godišnjice i ukopa posmrtnih ostataka ekshumiranih i identifikovanih – žrtava genocida u Srebrenici - “Srebrenica 2018” u Memorijalnom centru Srebrenica-Potočari.
- j) Doprinos Službe sigurnosnom aspektu zbog službene posjete Bosni i Hercegovini, delegacije Ruske Federacije.
- k) Doprinos Službe sigurnosnom aspektu povodom posjete delegacije Republike Turske, na čelu sa predsjednikom N.J.E g. Recep Tayyip Erdoganom Sarajevu.
- l) Doprinos Službe sigurnosnom aspektu povodom posjete delegacije Vlade Republike Turske, na čelu sa premijerom N.J.E g. Binali Yildirimom Sarajevu .
- m) Doprinos Službe sigurnosnom aspektu povodom službene posjete predsjednika R. Srbije N.J.E. Aleksandra Vučića Sarajevu.
- n) Doprinos Službe sigurnosnom aspektu povodom održavanja sastanka ministara vanjskih poslova zemalja Zapadnog Balkana - “WB6” u Sarajevu.
- o) Doprinos Službe sigurnosnom aspektu zbog održavanja „Mostarskog sajma gospodarstva 2018” u Mostaru.
- p) Doprinos Službe sigurnosnom aspektu zbog održavanja Samita premijera zemalja Zapadnog Balkana - “Samit 2018” u Sarajevu.

✓ *Preduzete mjere prema stranim državljanima*

Tokom 2018. godine preduzete su mjere u 2.755 slučajju i to: donešeno je **65** rješenja o otkazu bezvизnog boravka, **124** rješenja o otkazu privremenog boravka, **36** rješenja o otkazu stalnog boravka, **16** rješenja o otkazu bezvизnog boravka sa izrečenom mjerom protjerivanja, **1** rješenje o otkazu privremenog boravka sa izrečenom mjerom protjerivanja, **1.540** rješenja o protjerivanju stranaca iz BiH, donešena su **3** zaključka o dozvoli izvršenja rješenja o protjerivanju, dok je za **970** lica rješenjem određena mjera stavljanja pod nadzor (od čega je **948** lica smješteno u Imigracioni centar, **4** lica smještena pod nadzor u mjestu boravišta, dok je **18** lica smješteno pod nadzor u druge ustanove (sigurne kuće i sl).

✓ *Doprinos u borbi protiv terorizma, trgovine ljudima i drugih oblika organizovanog kriminala kroz službenu saradnju*

Imajući u vidu da je međuagencijska saradnja i razmjena informacija preduslov za efikasnu prevenciju kao i borbu protiv terorizma, ilegalnih migracija, krijumčarenja, trgovine ljudima i drugih oblika organizovanog kriminala, Služba je tokom ovog izvještajnog perioda vršila koordinaciju aktivnosti, inicirala i ostvarivala svakodnevnu službenu saradnju sa drugim agencijama koje se bave sprovođenjem zakona na teritoriji Bosne i Hercegovine, Tužilaštvima u Bosni i Hercegovini, međunarodnim i nevladinim organizacijama.

Inspektori za strance naše Službe i drugi ovlašteni službenici, preduzimajući sve potrebne mjere i radnje iz naše nadležnosti, u svom svakodnevnom radu su dolazili do veoma korisnih i u najvećoj mjeri pouzdanih operativnih saznanja o neregularnim migracijama kao i saznanja koja su se mogla dovesti u vezu s krivičnim djelima iz nadležnosti drugih sigurnosnih agencija.

Prikupljena saznanja i informacije su analizirane i procjenjene od strane naših službenika **što je rezultiralo izradom 157 operativnih informacija** koje je Služba blagovremeno dostavljala u nadležnost i postupanje Tužilaštvu Bosne i Hercegovine, Obavještajno-sigurnosnoj agenciji, Državnoj agenciji za istrage i zaštitu, Graničnoj policiji BiH, entitetskim Ministarstvima unutrašnjih poslova i drugim agencijama na dalju nadležnost i postupanje i bile su od velikog značaja u otkrivanju i procesuiranju počinitelaca krivičnih djela. Ovom prilikom posebno bismo istakli izuzetnu saradnju sa Obavještajno-sigurnosnom agencijom Bosne i Hercegovine, koja se ogleda u skoro svakodnevnoj i pravovremenoj razmjeni informacija i podataka.

Kada je u pitanju rješavanje statusnih pitanja stranih državljanina procijenjenih kao prijetnja po nacionalnu sigurnost Bosne i Hercegovine, Služba je od drugih nadležnih sigurnosnih institucija zaprimila informaciju za **151 sigurnosno interesantnog stranog državljanina**.

Od 151 sigurnosno interesantnog stranog državljanina, **Služba je tokom 2018. godine preduzimanjem radnji iz svojih nadležnosti i pojačanih aktivnosti kontrole kretanja i boravka stranaca u Bosne i Hercegovine, pronašla, procesuirala i izrekla mjere protjerivanja za 5 stranih državljanina, koji predstavljaju prijetnju javnom poretku i sigurnosti Bosne i Hercegovine, dok se ostala lica nisu nalazila na teritoriju Bosne i Hercegovine.**

Podatke o svim licima koji predstavljaju prijetnju javnom poretku i sigurnosti Bosne i Hercegovine, Služba je evidentirala u bazu „ROS-a” kojoj pristup ima Granična policija Bosne i Hercegovine, te za one koji nisu na području Bosne i Hercegovine prilikom pokušaja njihovog ulaska u Bosnu i Hercegovinu istima će biti odbijen ulazak.

U evidenciju „ROS-a“, Služba je tokom ovog izvještajnog perioda izvršila unos 1.803 informacije za strane državljane, koje su od velikog značaja za njen rad, kao i za saradnju sa Graničnom policijom Bosne i Hercegovine i Ministarstvom inostranih poslova Bosne i Hercegovine. Prikupljene informacije u bazi ROS-a mogu uticati na rješavanje zahtjeva za ovjeru pozivnih pisama, izdavanje viza, prelazaka državne granice, odobravanja boravaka na teritoriju Bosne i Hercegovine, donošenje odluka po službenoj dužnosti, i rješavanja drugih statusnih pitanja stranih državljana.

Bitno je naglasiti da je Služba kroz rad svojih službenika u nadzornom tijelu te sprovedbu strategija za borbu protiv terorizma i borbu protiv organizovanog kriminala, Operativnoj i udarnoj grupi za borbu protiv terorizma i Udarnoj grupi za borbu protiv trgovine ljudima, davala izuzetan doprinos u borbi protiv terorizma, ilegalnih migracija, trgovine ljudima, organizovanog kriminala, čime se daje značajan doprinos zaštiti sigurnosnog sistema Bosne i Hercegovine.

Služba je također kroz rad svojih službenika u Zajedničkom centru za analizu rizika i Koordinacionom tijelu, davala puni doprinos radu Zajedničkog centra za analizu rizika a samim time i Implementaciji Strategije integrisanog upravljanja granicom Bosne i Hercegovine. Od strane Službe svakodnevno se prikupljaju podaci o preduzetim aktivnostima, mjerama i radnjama iz nadležnosti Službe, te izrađuje Bilten dnevnih događaja koji se razmjenjuje sa drugim sigurnosnim agencijama.

Nadalje, tokom ovog izvještajnog perioda nastavljeno je učešće službenika Službe kao predstavnika u radu Radne grupe „Procjena rizika od pranja novca i finansiranja terorizma“ i Radne grupe za izradu „Strategije za borbu protiv organizovanog kriminala u Bosni i Hercegovini za period 2017.-2020. godine“.

Konačno, Služba kontinuirano doprinosi razmjeni podataka sa FRONTEx-om putem sistema dostave podataka o migrantskim tokovima (od mjeseca novembra 2018. godine razmjena podataka ide putem web aplikacije JORA 2, izrađene od strane FRONTEx-a), mjesečnih statističkih izvještaja Graničnoj policiji BiH i Operativnim štabom za pitanje migracija u BiH u cilju jačanja planiranja i provođenja nacionalnih i međunarodnih aktivnosti vezanih za borbu protiv nezakonitih migracija, krijumčarenja ljudi i drugih oblika organizovanog kriminala.

Prihvat, nadzor, smještaj i udaljenje stranaca

Sigurni sistem udaljenja stranaca iz zemlje ostvaren je kroz kadrovsku i tehničku uspostavu Sektora za redmisiju, prihvat i smještaj u smislu izgradnje pravnih i tehničkih kapaciteta za siguran postupak udaljenja stranaca koji nelegalno borave u zemlji, kao i kroz saradnju nadležnih institucija koje će nakon donesene odluke o udaljenju realizovati tu mjeru kroz obezbjeđenje potrebnih saglasnosti, putnih dokumenata i drugih tehničkih detalja za izlazak stranca iz zemlje.

Kroz rad i postojeći kapacitet Imigracionog centra omogućavali smo da neregularni migranti kao i drugi stranci koji nakon odluke ne žele dobrovoljno napustiti zemlju, budu stavljeni pod nadzor u Imigracioni centar do njihovog konačnog udaljenja. Služba je omogućila da se boravak stranaca u Imigracionom centru odvija u skladu s propisanim pravilima o funkcionisanju Centra, kućnom redu, uz poštivanje dostojanstva ličnosti i uz poštivanje međunarodnih konvencija i propisa koji regulišu zaštitu ljudskih prava. Realizacija sporazuma o readmisiji i po tom osnovu prihvat stranaca u Bosni i Hercegovini pod uslovima koji su propisani pojedinim readmisijskim sporazumima, nakon čega smo osiguravali sigurno udaljenje takvih stranaca iz zemlje, u propisanoj proceduri.

1. Prihvat po osnovu Sporazuma o readmisiji

U periodu 01.01 do 31.12.2018. godine ukupno su prihvaćena **652** strana državljanina i to svih **652** po osnovu Sporazuma između Vijeća ministara Bosne i Hercegovine i Vlade Republike Hrvatske o vraćanju i prihvaćanju lica čiji je ulazak i boravak nezakonit.

2. Nadzor i smještaj

2.1. Stavljanje pod nadzor u Imigracioni centar

Tokom 2018. godine u Imigracioni centar Službe za poslove sa strancima prema knjizi evidencije prijema pod nadzor je stavljeno **948 lica od kojih 42 mldb. stranaca u pratnji**. U izvještajnom periodu ostvareno je ukupno **21.016,5 korisničkih dana** u Imigracionom centru.

2.2 Specijalizovana ustanova za prihvat – MFS „Emmaus“

U ovom izvještajnom periodu u specijalizovanoj ustanovi Međunarodni forum solidarnosti „Emmaus“ smješteno je **16 lica** od čega **13 mldb. lica**.

2.3 Smještaj u sigurne kuće potencijalnih žrtava trgovine ljudima

Tokom izvještajnog perioda u sigurne kuće „MEDICA“ i „EMMAUS“ smještene su **2 lica** za koje je nadležni organ procijenio da se radi o potencijalnim žrtvama trgovine ljudima.

4. Udaljenje

Tokom ovog izvještajnog perioda ukupan broj lica koja su udaljena na osnovu provedenih procedura za pripremu i izvršenje udaljenja iz Bosne i Hercegovine u zemlje porijekla ili zemlju koja ih prihvata je ukupno **2.550 lica od čega 100 mldb. lica**.

4.1 Predaja po osnovu sporazuma o readmisiji

Nakon što je utvrđena obaveza prijema od strane zemlje potpisnice Sporazuma o readmisiji za lica koja ilegalno borave na području druge države, u izvještajnom periodu ukupno je predato **670** stranih državljanina od kojih **25 mldb. lica** i to kako slijedi:

- ✓ **450 lica od kojih 14 mldb. lica** po osnovu Sporazuma između BiH i Srbije o vraćanju i prihvaćanju lica čiji je ulazak i boravak nezakonit.
- ✓ **193 lica od kojih 9 mldb. lica** po osnovu Sporazuma između BiH i Crne Gore o vraćanju i prihvaćanju lica čiji je ulazak i boravak nezakonit.
- ✓ **26 lica od kojih 1 mldb. lice** po osnovu Sporazuma između BiH i Hrvatske o vraćanju i prihvaćanju lica čiji je ulazak i boravak nezakonit.
- ✓ **1 mldb. lice** bez pratnje po osnovu Sporazuma između BiH i Evropske zajednice o vraćanju i prihvaćanju lica čiji je ulazak i boravak nezakonit.

4.2 Dobrovoljni povratak koji realizuje Služba

Tokom ovog izvještajnog perioda za lica koja su bila stavljena pod nadzor, Služba je vršila dobrovoljni povratak za **324 lica od kojih 15 mldb. lica**.

4.3 Potpomognuti dobrovoljni povratak realizovan kroz projekat posebne namjene

U okviru Regionalnog projekta dobrovoljnog povratka i reintegracije AVRRO koji implementira IOM, registrovano je i pružena pomoć za dobrovoljni povratak u zemlje porijekla za ukupno **411 lica od kojih 44 mldb. lica**.

4.4 Repatrijacija žrtava trgovine ljudima

U ovom izvještajnom periodu Služba, **nije vršila postupak** repatrijacije potencijalnih žrtava trgovine ljudima.

4.5 Samostalni dobrovoljni povratak stranaca iz BiH

Tokom 2018. godine **1.142 strana državljanina od kojih 16 mldb lica**, kojima je izrečena mjera protjerivanja sa zabranom ulaska i boravka na teritoriju BiH ili je izdat nalog za dobrovoljno napuštanje, je samostalno dobrovoljno napustilo BiH.

4.6 Prisilno udaljenje

U ovom izvještajnom periodu Služba je donijela zaključak o dozvoli izvršenja rješenja o protjerivanju i tom prilikom su prisilno udaljena **3 lica**.

4.7 Udaljenje stranih državljana nakon izdržavanja kazne zatvora u KPZ-ma

U ovom izvještajnom periodu nakon izdržane kazne zatvora iz kazneno popravnih zavoda - KPZ, preuzeto je **7 stranih državljana**, kojima su izrečene mjere protjerivanja i u pratnji službenika osiguranja Imigracionog centra sprovedena do granice, te udaljena sa teritorije Bosne i Hercegovine.

Budžet i kapitalna ulaganja

Zakonom o budžetu institucija BiH i međunarodnih obaveza BiH za 2018. godinu („Službeni glasnik BiH“, broj 8/18), Službi za poslove sa strancima odobrena su sredstva u iznosu od **8.735.000,00 KM**, od čega se **8.410.000,00 KM** odnosi na tekuće izdatke, **300.000,00 KM** na kapitalne izdatke a prihodi od prodaje stalnih sredstava planirani su u iznosu od **25.000,00 KM**.

Na zahtjev Službe u posljednjem kvartalu 2018. godine donesene su tri Odluke o prestrukturiranju budžetskih sredstava u ukupnom iznosu od **110.500,00 KM** ili **1,27%** ukupno odobrenih rashoda za 2018. godinu. Sredstva su prestrukturirana najvećim dijelom na pozicije nabavke opreme, izdataka za usluge prevoza i goriva te putne troškove radi potrebe za dodatnim sredstvima usljed povećanih i u obimu neizvjesnih aktivnosti na realizaciji mjera u skladu sa Akcionim planom hitnih mjera u rješavanju migrantske krize.

Služba je u oktobru 2018. godine izvršila prodaju deset automobila, za koje su se stekli uslovi za prodaju prema Pravilniku o uslovima nabavke, načinu korištenja, registraciji, održavanju i prodaji motornih vozila i Pravilniku o službenim specijalizovanim vozilima i po tom osnovu ostvarila prihod od prodaje u iznosu od **57.484,90 KM**, te je nabavljeno jedno novo putničko motorno vozilo niže srednje klase u iznosu od **39.980,00 KM** (kao zamjena za vozilo uništeno u poplavi od 22.06.2018. godine).

Odlukom Vijeća ministara broj 100/18 od 18.06.2018. godine, Službi su iz tekuće rezerve Budžeta institucija Bosne i Hercegovine i međunarodnih obaveza za 2018. godine odobrena sredstva za bruto plate u iznosu od **90.000,00 KM** za dodatno zapošljavanje **14 (četrnaest) izvršilaca**. Sredstva nisu utrošena jer je, zbog dugih konkursnih procedura za izbor i postavljenje državnih službenika, prijem novozaposlenih bio u novembru i decembru, a zapošljavanje je bilo planirano u junu i julu 2018. godine, te odobrena dodatna sredstva nisu realizovana.

Odobreni budžet za 2018. godinu u iznosu od **8.735.000,00 KM** je uvećan za **90.000,00 KM** po osnovu bruto plata za dodatno zapošljavanje četrnaest izvršilaca i za **32.484,90 KM** po osnovu više ostvarenih primitaka od planirane prodaje stalnih sredstava, te ukupno raspoloživa sredstva iznose **8.857.484,90 KM**.

Ukupno izvršenje budžeta za 2018. godinu iznosi **8.246.344,25 KM** ili **93%** od ukupno odobrenih sredstava i to:

- I. tekući izdaci iznose 7.913.179,46 KM ili 93% od odobrenih sredstava za tekuće izdatke.** U okviru tekućih izdataka za bruto plate i naknade te za naknade troškova zaposlenih isplaćeno je **6.522.435,36 KM (95%** u odnosu na plan). Ostali tekući izdaci iznose **1.390.744,10 KM (85%** od planiranih).
- II. kapitalni izdaci iznose 333.164,79 KM ili 93% od odobrenih sredstava za kapitalne izdatke**

Donacije

U novembru 2018. godine od strane IOM-a Službi je donirano jedno novonabavljeno motorno vozilo kombi VW za prevoz ilegalnih migranata u vrijednosti **70.700,00 KM**. Krajem 2018. godine u sistemu JRT otvorena su dva izdvojena računa za donirana novčana sredstva (programe posebne namjene) i to:

I. „Projekat rekonstrukcije kapaciteta Imigracionog centra“- Donacija

Dana 10.12.2018. godine, Ambasada Republike Bugarske u Sarajevu i Služba za poslove sa strancima BiH su, na osnovu Uredbe Vijeća ministara broj 234 od 2011. godine o provođenju politike Republike Bugarske za učešće u ostvarivanju međunarodne saradnje u oblasti razvoja, sklopile Sporazum o dodjeli nepovratne finansijske pomoći. Nakon potpisivanja gore navedenog Sporazuma au svrhu realizacije istog, Republika Bugarska je Službi za poslove sa strancima, 18.12.2018. godine izvršila prvu uplatu u iznosu od **19.173,45 EUR-a (cca. 37.500,00 KM)**. Obzirom da uplaćena sredstva nisu utrošena u 2018. godini ista će biti prenesena u 2019. godinu.

II. „Podrška efikasnom upravljanju migracijama i granicom u BiH“ - Donacija

Bosna i Hercegovina zastupana od Ministarstva sigurnosti i Švicarska zastupana od Švicarske konfederacije, zastupane od Federalnog ministarstva pravde i policije FDJP zastupanog od Državnog sekretarijata za migracije SEM i Udruženja Centar za istraživanje politike suprotstavljanja kriminalitetu CPRC pristupili su zaključivanju Amandmana br. 2 na Sporazum u vezi sa dodatnom komponentom i njenim finansiranjem u okviru projekta "Podrška efikasnom upravljanju migracijama i granicom u Bosni i Hercegovini". U skladu sa Amandmanom br. 2 na Sporazum odobrena su dodatna sredstva za aktivnosti navedene u Zahtjevu za dodatnim sredstvima u iznosu od **CHF 240.000,00** koja će biti uplaćena Službi za poslove sa strancima na podračun 06414375- Donacija - Podrška efikasnom upravljanju migracijama i granicom u BiH. Prva tranša je uplaćena 23.11.2018. godine u iznosu od **CHF 139.886,49** na podračun 06414375- Donacija - Podrška efikasnom upravljanju migracijama i granicom u BiH što iznosi **241.030,86 KM**. Obzirom da uplaćena sredstva nisu utrošena u 2018. godini ista će biti prenesena u 2019. godinu.

Prihodi uplaćeni na JRT BiH po osnovu aktivnosti Službe u 2018. godini

Provodeći aktivnosti na rješavanju zahtjeva za odobrenje boravka, ovjere pozivnih pisama, prijave boravka stranaca, inspekcijskih pregleda i smještaja u Imigracioni centar, Služba je na jedinstvenom računu trezora institucija BiH **ostvarila prihode u 2018. godini u iznosu od 3.520.027,00 KM što je uvećanje od 15%**, u odnosu na 2017. godinu, kada je ostvareno **3.056.156,00 KM**.

Javne nabavke

U toku 2018. godine Služba je u cjelosti realizovala planirane javne nabavke za tekuće izdatke (izdatci za robe i usluge), kao i planirane tekuće izdatke za stalna sredstva i opremu. Ukupno je realizovano **50 (pedeset)** postupaka javnih nabavki od čega **7 (sedam)** otvorenih postupaka, **15 (petnaest)** po proceduri konkurentskog zahtjeva, **25 (dvadesetpet)** direktnih sporazuma, **1 (jedan)** postupak javne licitacije vozila i **3 (tri)** postupka provedena po Pravilniku Aneks II dio B.

Zapošljavanje

Zapošljavanje

Ukupan broj zaposlenih u Službi za poslove sa strancima na dan 31.12.2017. godine iznosio je **221** a na dan 31.12.2018. godine broj uposlenih iznosi **241**. U toku 2018. godine zaposleno je **25 (dvadeset pet)** osoba, od toga **13 (trinaest)** državnih službenika i **12 (dvanaest)** zaposlenika, od koji se jedan vratio sa korištenja neplaćenog odsustva policičnom zahtjevu. Tokom 2018. godine Službu je napustilo **5 (pet)** uposlenika, od toga:

- ✓ **2 (dva)** sporazumna prekida radnog odnosa;
- ✓ **3 (tri)** uposlenika su penzionisana, od toga 2 (dva) državna službenika i 1 (jedan) zaposlenik.

Pored navedenog, u 2018. godini **1 (jedan)** državni službenik je koristio neplaćeno odsustvo posili zakona sa radnog mjesta na koje je postavljen i u istoj godini se i vratio na svoje radno mjesto zbog neuspjeha na izborima a **1 (jedan)** državni službenik, koji je već bio na neplaćenom odsustvu po sili zakona je nastavio koristiti neplaćeno odsustvo ,ali po drugom osnovu. U toku 2018. godine raspisano je **5 (pet) javnih oglasa: 1 (jedan)** za državne službenike i **4 (četiri)** za zaposlenike. Pored toga raspisan je **1 (jedan)** interni konkurs za popunu radnih mjesta državnih službenika. Konkursne procedure su okončane, a najuspješniji kandidati su postavljeni na pozicije za koji su bili raspisani oglasi, sa izuzetkom **1 (jednog)** javnog oglasa za prijem zaposlenika, gdje je konkursna procedura u toku i nije okončana do kraja 2018. godine. Također, tokom 2018. godine izvršena su **4 (četiri)** interna premještaja za zaposlenike i **6 (šest)** internih premještaja za državne službenike. U 2018. godini imamo **2 (dva)** državna službenika koji su pod spenzijom od 01.03.2014. godine, radi vođenja sudskog popstupka u kojem još uvijek nije donesena ni prvostepena presuda.

Zaključak

Smatramo bitnim napomenuti da smo prilikom izrade „Godišnjeg programa rada Službe za poslove sa strancima za 2018. godinu“ predvidjeli da bi na realizaciju planiranih aktivnosti moglo uticati znatno povećanje broja migranata, kao posljedica migrantske krize usljed zatvaranja granica Mađarske i Hrvatske, te njihovo preusmjeravanje preko teritorije Bosne i Hercegovine. Naprijed navedena predviđanja pokazala su se tačnim jer tokom 2018. godine dolazi do promjena u migracionim tokovima na Zapadno-balkanskoj ruti, što je počelo uticati i na Bosnu i Hercegovinu. Ruta kretanja migranata ide iz pravca Srbije i Crne Gore preko BiH u Hrvatsku i u najvećem dijelu se ove aktivnosti sprovode od istočne granice do Sarajeva i dalje na područje USK-a, tačnije Bihaća i Velike Kladuše, gdje se i najviše zadržavaju jer je to područje najbliže zelenoj granici prema Hrvatskoj i dalje prema zemljama EU što im je i konačan cilj. Usljed navedenog Služba je zbog kadrovske nepopunjenosti kao i zbog obimnosti i složenosti problema sa kojima se susretala bila prinuđena vršiti prestruktuiranje ljudskih i materijalnih kapaciteta Službe sa ciljem rješavanja navedene problematike. Kao posljedica naprijed navedenog jeste da pojedine planirane aktivnosti nisu postigle ciljane vrijednosti, dok su sa druge strane određene aktivnosti zabilježile porast vrijednosti

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA SLUŽBE ZA POSLOVE SA STRANCIMA
Opći cilj/principi razvoja: Upravljanje u funkciji rasta

Strateški cilj: Ubrzati proces tranzicije i izgradnja kapaciteta

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

Specifični cilj 1: Efikasan mehanizam upravljanja migracijama u BiH uz poštivanje slobode kretanja

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (2017)	Ciljana vrijednost (2018)	Ostvarena vrijednost na kraju godine (2018)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1 Program: Kontrola kretanja i boravka stranaca, prihvata, smještaja i udaljenja stranaca											
1.1.1 Projekat: Zakonite migracije											
1.1.1.1 Aktivnosti u postupku obrade zahtjeva za ovjeru pozivnog pisma	TC i Sektor za operativnu podršku	Broj ovjerenih pozivnih pisama	4.000	4.500	4.672	Budžet	497.000	462.707	I-IV	I-IV	
1.1.1.2 Aktivnosti u postupku vršenja provjera po zahtjevima dipl. konz. predstavništva (DKP) kod izdavanja viza	Sektor za operativnu podršku i T.C.	Broj izvršenih provjera po zahtjevu DKP	20.000	23.000	32.512	Budžet	452.000	420.812	I-IV	I-IV	
1.1.1.3 Aktivnosti u postupku izdavanja saglasnosti za izdavanje viza tipa "D"	Sektor za operativnu podršku i T.C.	Broj izdatih saglasnosti za izdavanje viza tipa "D"	550	600	830	Budžet	41.727	38.848	I-IV	I-IV	
1.1.1.4 Aktivnosti u postupku obrade zahtjeva za odobrenje/produženje privremenog boravka	TC i Sektor za operativnu podršku	Broj odobrenih i produženih privremenih boravaka	10.900	11.000	10.756	Budžet	2.002.185	1.864.062	I-IV	I-IV	

1.1.1.5 Aktivnosti u postupku obrade zahtjeva za odobrenja stalnog boravka i izmjene rješenja stalnog boravka	TC i Sektor za operativnu podršku	Broj odobrenih stalnih boravaka i izmjena rješenja stalnog boravka	500	650	815	Budžet	172.382	160.487	I-IV	I-IV	
1.1.1.6 Aktivnosti u postupku izdavanja potvrda o prijavi rada	Terenski centri	Broj izdatih potvrda o prijavi rada	3.000	3.500	5.586	Budžet	202.494	188.522	I-IV	I-IV	
1.1.2 Projekat: Prevencija i borba protiv nezakonitih migracija											
1.1.2.1 Prevencija nezakonitih migracija kroz postupak ovjere pozivnih pisama	Terenski centri	Ukupan broj odbijenih pozivnih pisama	90	100	70	Budžet	20.485	19.072	I-IV	I-IV	
1.1.2.2 Prevencija nezakonitih migracija kroz postupak davanja saglasnosti za izdavanje viza tipa "D"	Sektor za operativnu podršku	Ukupan broj izdatih nesaglasnosti za vizu tipa "D"	3	5	4	Budžet	1.024	953	I-IV	I-IV	
1.1.2.3 Prevencija nezakonitih migracija kroz postupak izdavanja viza za ulazak i boravak na teritoriju BiH	Sektor za operativnu podršku i TC	Utvrdeni pokušaji zloupotrebe u postupcima izdavanja vize	40	70	115	Budžet	14.340	13.350	I-IV	I-IV	
1.1.2.4 Prevencija nezakonitih migracija kroz postupak vršenja sigurnosnih provjera	Sektor za operativnu podršku i TC	Ukupan broj izvršenih sigurnosnih provjera	1.900	2.000	2.654	Budžet	409.705	381.435	I-IV	I-IV	
1.1.2.5 Prevencija nezakonitih migracija kroz postupak regulisanja privremenog boravka	Sektor za operativnu podršku i TC	Broj odbijenih, odbačenih, obustavljenih i prekinutih zahtjeva u postupku odobrenja/prod uženja boravka	100	150	406	Budžet	30.728	28.608	I-IV	I-IV	

1.1.2.6 Prevencija nezakonitih migracija kroz postupak regulisanja stalnog boravka	Sektor za operativnu podršku i TC	Broj odbijenih stalnih boravaka	40	50	10	Budžet	10.243	9.536	I-IV	I-IV	
1.1.2.7 Aktivnosti u borbi protiv terorizma, trgovine ljudima i drugih oblika organizovanog kriminala kroz službenu saradnju sa drugim agencijama i organima	Sektor za operativnu podršku i TC	Broj prikupljenih operativnih saznanja, informacija, službena saradnja sa drugim agencijama, institucijama i organima (unosi u službene evidencije itd)	10.000	11.500	31.683	Budžet	1.621.290	1.509.421	I-IV	I-IV	
1.1.2.8 Aktivnosti u postupku izricanja mjere stranim državljanima	Sektor za operativnu podršku i TC	Broj izrečenih mjera otkaza boravka (bevizni, privremeni, stalni boravak, protjerivanje, otkaz boravka sa protjerivanjem)	800	900	1.785	Budžet	188.780	175.754	I-IV	I-IV	
1.1.2.9 Aktivnosti u postupku izdavanja naloga za dobrovoljno napuštanje teritorije BiH	Sektor za operativnu podršku i TC	Broj izdatih naloga za dobrovoljno napuštanje teritorije BiH	200	250	399	Budžet	39.304	36.592	I-IV	I-IV	
1.1.2.10 Aktivnosti u postupku izricanja prekršajnog naloga	Terenski centri	Broj izrečenih prekršajnih naloga	1.200	1.500	1.550	Budžet	204.695	190.571	I-IV	I-IV	

1.1.3 Projekat: Prihvat, smještaj i udaljnje stranca

1.1.3.1 Aktivnosti u postupku stavljanja stranca pod nadzor	Sektor za readmisiju, prihvat i smještaj, I.C. i T.C.	Broj osoba smještenih pod nadzor u Imigracioni centar	300	350	948	Budžet	265.155	246.859	I-IV	I-IV
	Sektor za readmisiju, prihvat i smještaj, I.C. i T.C.	Ukupan broj korisničkih dana u Imigracionom centru	4.000	4.500	21.016,5	Budžet	1.835.890	1.709.213	I-IV	I-IV
	Sektor za readmisiju, prihvat i smještaj, Sektor za operativnu podršku i T.C.	Broj lica kojima je izrečena blaža mjera nadzora	2	2	4	Budžet	1.047	975	I-IV	I-IV
1.1.3.2 Aktivnosti u postupku prihvata stranih državljana	Sektor za readmisiju, prihvat i smještaj i T.C.	Broj prihvaćenih stranih državljana po osnovu sporazuma o readmisiji	100	120	652	Budžet	53.060	49.399	I-IV	I-IV
	Sektor za readmisiju, prihvat i smještaj i T.C.	Broj lica koja su boravila u specijalizovanim ustanovama /Specijalizovana ustanova za	15	20	18	Budžet	8.843	8.233		

		prihvat – MFS “Emmaus”, Sigurna kuca “Medica” itd7							I-IV	I-IV	
	Sektor za readmisiju, prihvat i smještaj i T.C	Broj stranih državljana prihvaćenih iz KPZ-a	5	10	7	Budžet	4.422	4.117	I-IV	I-IV	
1.1.3.3 Aktivnosti udaljenja stranih državljana	Sektor za readmisiju, prihvat i smještaj i T.C	Broj stranih državljana koji su predati po osnovu Sporazuma o readmisiji	100	140	670	Budžet	71.000	66.101	I-IV	I-IV	
	Sektor za readmisiju, prihvat i smještaj i T.C	Broj stranih državljana za koje je Služba vršila dobrovoljni povratak /Samostalni dobrovoljni povratak koji realizuje Služba/	120	140	324	Budžet	71.000	66.101	I-IV	I-IV	
	Sektor za readmisiju, prihvat i smještaj i T.C	Broj stranih državljana koji su udaljeni kroz projekat Službe “Prevenција ilegalnih migracija u BiH i region i dobrovoljni povratak ilegalnih migranata” /Potpomognuti	Naknad no će biti utvrđen o			Naknad no će biti utvrđen o	411	Budžet	126.126	117.423	I-IV

		dobrovoljni povratak realizovan kroz projekat posebne namjene/									
	Sektor za readmisiju, prihvat i smještaj i T.C	Broj stranih državljana za koje je Služba izvršila repatrijaciju	1	1	0	Budžet	507	0	I-IV	I-IV	
	Sektor za readmisiju, prihvat i smještaj i T.C	Broj stranih državljana koji su samostalno dobrovoljno napustili teritoriju BiH	900	1.000	1.142	Budžet	507.140	472.619	I-IV	I-IV	
	Sektor za readmisiju, prihvat i smještaj i T.C	Broj prisilno udaljenih stranih državljana sa teritorije BiH	5	5	3	Budžet	4.913	4.574	I-IV	I-IV	

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA							
Opći cilj/principi razvoja: Upravljanje u funkciji rasta							
Strateški cilj: Ubrzati proces tranzicije i izgradnja kapaciteta							
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti							
Specifični cilj: Efikasan mehanizam upravljanja migracijama u BiH uz poštivanje slobode kretanja							
Naziv zakona	Vrijeme provođenja		Status zakona zaključno sa 31.12.2016 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvati, smještaj i udaljenje stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvati, smještaj i udaljenje stranaca							
Nije bilo planiranih	NE	NE	NE	NE	NE	NE	

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: Ubrzati proces tranzicije i izgradnja kapaciteta

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

Specifični cilj: Efikasan mehanizam upravljanja migracijama u BiH uz poštivanje slobode kretanja

Naziv podzakonskog akta	Vrijeme provođenja		Status podzakonskog akta zaključno sa 31.12.2016 godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaja i udaljenja stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaja i udaljenja stranaca							
Nije bilo planiranih	NE	NE	NE	NE	NE	NE	

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: Ubrzati proces tranzicije i izgradnja kapaciteta

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

Specifični cilj: Efikasan mehanizam upravljanja migracijama u BiH uz poštivanje slobode kretanja

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvat, smještaj i udaljenje stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvat, smještaj i udaljenje stranaca							
Nije bilo planiranih	NE	NE	NE	NE	NE	NE	

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA				
Opći cilj/principi razvoja: Upravljanje u funkciji rasta				
Strateški cilj: Ubrzati proces tranzicije i izgradnja kapaciteta				
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti				
Specifični cilj: Efikasan mehanizam upravljanja migracijama u BiH uz poštivanje slobode kretanja				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Program: Kontrola kretanja I boravka stranaca, prihvata, smještaj i udaljenje stranaca				
1.1.1 Projekat: Zakonite migracije				
1.1.2 Projekat: Prevencija I borba protiv nezakonitih migracija				
1.1.3 Projekat: Prihvata, smještaj i udaljenje stranaca				
Nije bilo planiranih	NE	NE	NE	NE

VII - IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Tokom izrade Izvještaja o radu Službe za poslove sa strancima za 2018. godinu, vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH, Graničnom policijom BiH, Državnom agencijom za istrage i zaštitu, Agencijom za forenzička ispitivanja i vještačenja BiH, Agencijom za policijsku podršku BiH, Agencijom za školovanje i stručno usavršavanje kadrova i Ministarstvom finansija i trezora BiH. Konsultacije su se odnosile na formalni izgled Izvještaja, izbjegavanje preklapanja nadležnosti i usklađenost sa budžetskim okvirom. Izvještaj o radu Službe za poslove sa strancima bio je dostupan 14 dana na web platformi eKonsultacije, a Izvještaj o provedenim konsultacijama nalazi se u prilogu.

